

資治通鑑補

明神廟時嘉定嚴永思先生以溫公通鑑意在資治詳于朝章國典而略于高逸節俠乃與及門談君允厚編繙十七史及列朝別史裨說之可徵信者是正其義例而旋補其闕遺復于每人之末綜爲小傳益于編年之中寓紀傳之體創柱下未有之例開愷史最括之奇竭三十年之精力乃克告蒧事誠學海之鉅筏冊府之寶符也明史列入藝文志 國初華亭董進士含三岡識略云曾爲之序近時武林錢庶子林文獻徵存錄於先生及談君二傳備詳作書之旨而乾隆四庫書遺之則此書未經付梓見者蓋鮮故道光中陶文毅督兩江有借抄本亦未鐫布咸豐初元江夏童君和豫始以聚珍板擺印百餘部不云所自得之或卽文毅所寫歟而譌舛滿幅不可卒覽同治癸酉王夔石中丞知予有叢書之舉

遠貽童書屬重爲校刷俾成善本翁叔平侍郎尤寶愛是書力繼  
與之乃命兒子宣懷詳加勘訂知嚴補雖儒博而璧瑕珠類時復

不免惜欲徧爲釐正而迫于時不暇以爲尙有待後之人如吳縝  
者糾繆焉又据先生自序尙有宋元續編補四百四十二年之事  
苟能訪得其書合輯以成一千八百四十四年之鉅牒則海內之  
士更必有爭先快覩而蔚爲藝林之盛事者已爰略述其緣起如  
此其具于錢辛楣傳及黃許序先生談君自序與例言者旣已大  
備不復贅其詞

光緒二年歲次丙子仲秋毗陵後學盛康謹識

嚴先生傳

嘉定錢大昕

嚴先生行字永思嘉定人明萬歷中補縣學生與李流芳張方中友善時邑中諸名宿皆以詩文自名先生獨專心古學恥以詞華炫世年四十有一讀司馬溫公資治通鑑而好之晨夕探索至忘寢食又以溫公著書意在資治故朝章國政述之獨詳而家乘世譜紀之或略其於人也顯榮者多而遺逸則略方正者多而節俠則略丈夫者多而婦女則略乃援引正史及他書以補之或補爲正文或補爲分注其補正文之例有二有通鑑所已載而事或闕而不周文或簡而不暢則逐節補之有通鑑所未載而事有關於家國言有係於勸懲則特筆補之其補分注之例有三一曰附錄

事雖可采而或涉於瑣或近於幻故不以入正文一曰備考通鑑之所載如此他書之所載如彼雖兩不相合而事屬可疑故兩存之一曰補注胡身之注所未備或有譌舛則以己意釋之其所取材則十七史居十之九稗官野史居十之一而要以法戒為主其有關勸懲雖小史必錄苟無所取義雖正史亦刪要使學者欲考興亡則觀政於朝欲知淳薄則觀風於野欲樹宏猷則法古人之大道欲修細行則拾往哲之餘芳人無隱顯道在者爲師行無平奇濟物者爲尙蓋其自序如此又謂周社雖滅秦命未膺昭襄雖強不當遽以紀年宋梁石晉之惡浮於黃巢周雖彼善於此然北漢未亡柴氏豈得臣之故於周赧入秦之後改稱前列國五季迭興之世改稱後列國進蜀漢於正統黜武氏爲附載此又取紫陽

綱目之義以彌縫本書之闕者也當時無通史學者咸笑以爲迂  
惟黃瀆耀歎以爲絕倫而談允厚爲之參校史傳考訂遺漏先生  
嘗謂允厚曰人之聰明百倍於我者有之才學千倍於我者有之  
而不能成此書者不如我之一也予之一不如我而聰明過我我  
所以不可無子也書成允厚爲之序且撚通鑑遺失若干事謂日  
食地震水旱蝗饑郊天祀廟行幸還宮命相封王皆通鑑所慎重  
而書者也而漢以前缺者十之一漢以後缺者十之三宋孝武大  
明五年初立馳道自閭闔門至朱雀門又自承明門至元武門所  
謂南北兩馳道也及孝武崩乃罷之而通鑑但書罷不書立是謂  
無首李愬據淮南稱帝光武遣揚武將軍馬成擊之圍愬於舒建  
武六年馬成拔舒愬亡走其軍士帛意斬愬而降封帛意爲漁浦

侯通鑑於馬成拔舒帛意斬惡事闕而不書是爲無尾禿髮傳檀  
爲乞伏熾磐所滅虜其太子虎臺以虎臺妹爲后其後熾磐后與  
虎臺謀殺熾磐事露皆見殺通鑑於晉義熙十年已預書熾磐殺  
虎臺至宋景平元年又詳書之豆盧欽望爲文昌右相本在聖歷  
二年八月而通鑑於神功元年八月聖歷二年八月兩書之其能  
爲太子賓客本在久視元年二月而通鑑於聖歷元年二月久視  
元年二月兩書之聖歷元年十一月始置控鶴監吉瑱與張易之  
張昌宗皆爲控鶴監供奉而通鑑於是年三月便書瑒與二張同  
爲控鶴監供奉失其序矣晉永和三年趙麻秋攻枹罕甯戎校尉  
張璠固守大城太元元年苻堅伐涼州張天錫遣征東將軍掌據  
率眾三萬軍於洪池考十六國春秋與晉書載記此二事本是一

人之事但載記作張璠十六國春秋作常據通鑑先書張璠後書  
常據而又譌常爲掌名與姓俱岐矣毛寶子穆之小字虎生而通  
鑑於建元二年書穆之寶之子於太和四年書虎生寶之子前稱  
名後稱字宋武陵王贊小字智隨而通鑑於泰始六年書智隨其  
後又書贊名與字相岐矣晉咸和八年書慕容皝遣庶弟建武將  
軍幼稚討母弟仁於平郭兵敗幼稚爲仁所獲至咸康二年仁敗  
則云慕容幼慕容稚皆東走幼中道而還是分一人爲二人晉元  
興二年姚興遣使者梁裴張構使沮渠蒙遜而通鑑書秦遣使梁  
構至張掖是合二人爲一人宋元嘉七年魏人攻拔虎牢司州刺  
史尹冲死之而通鑑謂冲與滎陽太守崔模降魏且爲考異以申  
之謂崔模仕魏爲武陵男宋書謂抗節者誤夫宋書以模爲抗節



誠誤至尹冲之死則宋魏史有同辭奈何因模而併誣冲乎唐中宗崩遺詔使相王旦輔政韋溫與宗楚客欲韋后臨朝議削相于輔政之語蘇瓌正色拒之曰遺詔是先帝意安可更改溫楚客大怒竟削之瓌遂稱疾不朝故睿宗卽位下詔褒稱之曰頃者遺恩顧託先意昭明姦回動搖內外危逼獨申讜議實挫邪謀此瓌不從韋宗之證也通鑑削去稱疾不朝四字改云懼而從之何其冤也又如張紘還吳迎家道病卒當在建安十七年孫權徙治建業以後而通鑑系於黃龍元年徙都建業之下亦爲失次梁大寶元年二月至四月紀日干支顛倒且有一月而再書丙午者是不若紫陽氏盡去之之爲愈矣其譏胡注之誤如晉孝武嗜酒流連內殿醒日既少通鑑譌作醒治而注卽云醒而治事之日少是不考

晉本紀也北齊幼主禪位於任城王湝自稱守國天王通鑑譌守國爲宋國而注云齊猶未亡不應遽改國號宋當是宗國是不考北齊書也周宣帝問鄭譯曰我腳杖痕誰所爲也譯曰事山烏丸軌宇文孝伯因言軌將鬚事胡誤以事由烏丸軌爲句宇文孝伯屬下譖因注云孝伯何出此言是誣孝伯也先生與允厚於史學皆實事求是不可妄下雌黃其所辯正皆確乎不可易宋季元明儒家好讀綱目如尹起莘劉友益王幼學徐昭文輩皆淺陋迂腐雖附綱目以傳輒爲本書之累其有功於通鑑者胡身之而後僅見此書耳

吳郡嚴先生通鑑補序

嘉定黃清耀識

韓愈論史書不可輕爲自耶明遷固陳壽王隱諸家而下皆不免於大刑人禍柳宗元反之以爲前數子者或出於不幸或行事本不合中道非以紀錄褒貶之故而然也二家之說以宗元爲得然余嘗妄論之天地閒風雲水石禽蟲華蔕無情之物非能有所憎愛報復於人也或者操吟咏之小技穿穴幽隱招擢瑣細其得罪造物甚小而猶或以此致窮又況世之人傑鬼雄抱感慨不平之氣生無所遇猶冀死而見仲乃作史者洗垢索瘢抑沒其事則其人之長恨於天壤爲何如哉是宜退之所云亦有必不然者今夫酷吏文致人罪或不旋踵亡身赤族而慈惠之師明允之吏嘗以

多所平反獲報於數世之後作史者苟懷平反之心以處之則其得報亦當與遷固諸人相反非有富貴福澤之加其身亦必康彊老壽此又物理之必然者也吾邑嚴永思先生讀史三十年嘗忠司馬氏通鑑多所闕略遂爲發凡舉例是正其書闕者補之訛者訂之人有俶詭倜儻者收之文有關係治道者采之美如四皓安劉章章見於馬班之書而爲通鑑所不錄惡如華太尉破壁取后僅見於吳人所作曹瞞傳而爲通鑑所輕信皆別白而去取之勇行敗落閒見錯出其大旨歸於成人之美不以成敗論英雄不以聖賢大學之道格一切非常可喜之士蓋先生之用心爲至仁矣先生於世泊然無所嗜天亦未嘗以富貴福澤加之然生長四朝爲太平之遺民家有負郭之田門多載酒之客于于行陽陽

而樂不知老之將至是又邛明遷固所深羨而不可得者也余少懷述作之志牽於時學不暇以爲年近四十始登一第今方請假南還欲終隱林壑與先生卜鄰又未知得遂志否微天之惠買地百弓貯書千卷俯而讀仰而思洗然盡去胸中之癥結然後作明一經傳之無窮於生平之願畢矣猶恐搜奇不力疾惡之心太嚴則於先生之道一無所得而深犯退之之所戒故於先生之通鑑補謹述其生平作史之意以告於世而亦因以自勸焉先生讀之其爲我听然一笑乎

資治通鑑補序

余讀嚴先生通鑑補歎其深得春秋教外別傳其功不在紫陽綱目下也孔子因魯史作春秋系王于天一筆一削行天子之事所以奉天道繼王迹也公而不私簡而不繁當時左氏從而編年前漢司馬遷刪爲紀傳皆襲春秋而分其支派也溫公尙憂其散而無統合編年紀傳彙爲資治通鑑一時奉爲金科玉律而揆以春秋大義不無所失兼多所遺其關於世道人心匪細朱子髮之爲作綱目仍託始於三晉之濫封以警無將而遏亂萌更嚴於統之正閏詳於事之順逆而孔子誅亂賊之旨粲然大明於天下萬世嚴先生生於五百年後星奎斗度實鍾真儒慨然以補正自任顧歷代史家提綱挈領無如通鑑一書乃積三十餘年風雨晦明竭

耳目心思忘饑渴寒暑廣求四部七錄之繁浩芻參二氏百家之  
異同上下於一千三百八十年之見聞摩對於一十七史之記載  
以校正此一書所云冷煖自知甘苦自嘗者此也其爲益有二一  
曰尙論一曰反觀此讀史法也其救失有二補遺有五此正史功  
也得讀史之法所以全始而全終立正史之功所以可大而可久  
說者曰司馬溫公身爲賢相集當代名公鉅卿二劉二范輩其刪  
定此書豈有失以待正有缺以待補先生身爲儒生佐以及門談  
子旣孤陋而寡聞一旦起而斥古人之失補古人之缺不亦多事  
乎余曰不然先生之所謂失者天下後世其以爲失者也先生之  
所謂遺者天下後世其以爲遺者也余少時嘗作通鑑三大失論  
一爲依陳壽三國史帝魏寇蜀則失之亂一爲晉魏禪代不直書

司馬懿父子篡弑自以管裔而爲尊親諱則失之誣一爲南北朝  
元魏與劉宋竝稱帝則失之僭當年先輩駭爲狂言及讀先生書  
而確然有以自是如凡例首以辨正統存殘統爲大綱此天下萬  
世之所不易也說者又以通鑑以資治名凡瑣事逸人無關於治  
者可不書也余以尙書爲經中史麟經爲史中經經史相爲源流  
易奇而法詩正而葩易之幽人歸妹童牛積豕載鬼張弧等語皆  
爲奇詩之白駒赤鳥喬木幽草姝子美人諸篇皆爲葩孔子學易  
學詩悉未嘗遺及作春秋書鴈飛隕豕立人啼石言於晉神降  
於莘至若蜚蜚桃李之細無不備書則凡人物之有關於治亂興  
亡不論隱顯內外鉅細奇正無不許書於經而況史乎則知先生  
之救二失而補五遺談子之佐先生而闡七病誠爲春秋之嫡系



綱目之傳火亦溫公之功臣也或縣之國門或藏之名山傳之其人他年必有出壁中之經起汾陰之鼎敲記里之鼓發豐城之匣者嚴子自問何虞父書之埋沒而不章乎然余亦有慮焉卷帙繁冗鉅刷費艱卽若漢宋右文之世非無賢主名臣而蘭臺秘閣之藏其詔刊者有幾如奇門遁甲太平御覽諸書至今尙屬抄本嚴子蕭蕭布衣抱荆山之玉於冷風清野之中誰過而問之一旦饑荒流散兵燹飄零不化而爲風蟬露蠶者幾希矣惜不爲草閒埋珀之音哉竊聞汲冢周書竹書紀年及井中心史杜元凱序例不過盈寸數卷雖疑信相半至今存之倘嚴子可另爲一書而以先人正失補闕之文注於編年記事之首如楊鐵崖之史義拾遺更爲簡省上比於百篇二史下亦不失爲公羊穀梁二傳也以俟有

識者商之

康熙歲次癸亥春王正月同里後學許自俊潛壺氏謨

資治通鑑補自序

憶昔隴時便喜讀史家言而牽於制舉之業未暇朝夕從事也迨年四十有一始得肆力於司馬公通鑑全書怒而讀之躍然喜矣愛而讀之欣然樂矣躁而讀之悠然恬矣甯或有終日不食之時未有終食不讀之時也或問曰子何所爲而好之若是余曰僕亦何所爲哉世有好酒色者愈溺愈深浸淫成疾而不知悔也余之於史也亦若是則已矣然則能記誦乎曰余資鈍不能記誦然亦不求記誦也不能記誦又不求記誦則雖好之亦何益曰惡是何言也子不見夫人之於飲食乎朝啜三甌晝而飢矣晝餐兩盞暮而飢矣夫豈以其飽之旋飢也而遂謂飲食之無益於人乎讀書者亦顧其領會何如耳安在記之誦之以腹爲笥而後稱益哉然

則其益也亦可得而言乎曰譬如飲水冷暖自知譬如食蜜甘芳自喻吾亦何能語子雖然略可得而舉似者大約有二一曰尙論尙論者取古人言行謀爲豫斷其成敗此以古事還之古人其味猶可言也一曰反觀反觀者取古人善惡是非自勘吾得失此以古事收之吾心其味則難言矣易傳不云乎危者使平易者使傾此吾尙論之訣也魯論不云乎見賢思齊見不賢而內省此吾反觀之訣也執此二訣以上下千古其人雖遠吾如登其堂焉吾如見其面焉吾如披其胸焉吾病愚則凡明者皆吾師也吾病怯則凡勇者皆吾師也吾病嬾則凡儆者皆吾師也吾病偏吾病吝吾病不斷吾病器小而易盈則凡廣大者好施者果毅而淵深不測者皆吾師也不然而有人焉如吾愚如吾怯如吾嬾如吾偏且吝

如吾不斷如吾器小而易盈者吾見其人如見吾焉一見而愧再見而悔三見而痛心切骨夜半長明則亦吾師也木然爲火則照物而覽其妍金鑄爲鏡則自照而窮其醜故有時欣然解頤有時渥然汗下有時頂門一鍼有時股後一策集萬古之良師勝友導吾以芳聚百代之僉夫壬人戒吾以穢吾所以反覆纏綿暫欲舍之而不能也雖然晝不讀不知其善書不熟讀沈酣而恣肆焉不知其病余於是書始讀之但覺其宏深廣肆如臨海望洋未能見其畔岸也再讀之始得窺其堂奧窮其源委見其中夫取之謹嚴義例之精密褒譏得失以發後人之志考較同異以辨前人之非范曄所謂體大而思精者其斯之謂與旣又三讀之四讀之時覺其有百中之一漏全璧之微瑕乃始繙歷朝舊史而一一對勘之

備者固十之七八遺者亦十之二三甚且有前後不符彼此或戾如談序所載七病亦往往有之況通鑑之作託始於三晉之濫封以正名分也漢魏之際獨非名分攸關乎乃帝魏而黜漢至以諸葛入寇爲辭蓋謂昭烈之於漢族屬疏遠不能稽其世次耳然春陵非遠裔哉光武可以繼西京之統昭烈何不可以續東洛之祧不惟此也周社雖亡秦命未集昭襄雖彊猶齊楚耳而遽以紀年朱溫篡唐毒浮於地微塘臣虜貽殃萬民是梁晉之罪甚於黃巢世有魯連必當蹈海矣而儼然帝之唐漢之興彼善於此然而南唐西蜀華姓基分未能兼夏難稱率土郭柴繼統其人華矣加惠蒼黎其政善矣北略至關南侵及江其地廣矣要之北漢未亡則亦猶之蜀漢也不宜君備榮豈得臣崇故周赧入秦七雄分據改

稱前列國唐昭隕洛五代迭興改稱後列國漢呂唐武皆字出異  
常之變而大書紀年王莽之篡雖黜其帝號而稱名亦猶大書紀  
年是皆以正朔歸之也今二姬之紀皆稱附載王莽之紀年號細  
書此紫陽氏筆削之旨亦不肯徇竊取之義也溫公於朝綱國政  
輯之每詳而家乘世譜輯之或略乃略者固略矣而詳者亦未必  
皆詳也偉論宏議記之較備而隻行微言記之或少乃少者固少  
矣而備者亦未必盡備也事多提其大綱而刪其節目乃節目過  
刪而大綱亦或不明文多錄其體要而翦其枝葉乃枝葉太翦而  
體要亦多不暢是惡可以不補至觀其所載之人則顯榮者多而  
遺逸則鮮矣方正者多而俠烈則鮮矣丈夫者多而婦女則更鮮  
矣方內者多而方外者絕不及矣愚以爲士之窮通命也季孟居

三卿之中而顏閔在徒步之列顯者豈必盡足迹而晦者豈必無  
可稱乎故咏空谷之駒令人起繫維之想歎山梁之雉令人興羅  
網之思人雖微也道則尊矣吾補之國有三遊民之蠹也然緩急  
亦人所時有士方在困厄時得一援手便可白骨生肉彼施施者  
方且乘吾堅策吾肥覩人入穴而嬉笑自若獨有人焉奮義慷慨  
焦首爛額探沸湯而出燔雞視彼無氣無骨者何天壤哉則錄之  
以風薄俗亦何不可風咏遊女雅傷棄婦夫遊與棄聖人猶不盡  
剛况或以幽閑之姿樹淑慎之範或以婉孌之質矢泉壤之誠使  
誦其遺編者憇蘭生於齒耳聞其餘烈者霜雪凜於毛骨不可以  
法乎二氏之教律之以孔孟之旨則楊墨之流也然自漢以迄六  
朝而其說大盛流弊至於今日不知者遂謂三教並行於世矣夫



二氏豈得與孔孟並乎第謂六經之外無復妙理儒教之外無復異人則天地生物但當生其大常無奇如水寒火熱木然石堅者而已矣何以復生溫泉寒火不燼之木溫柔之玉也哉乃知天地以其正氣生聖人以持世又以其閒氣生異人以佐世其清虛恬澹之風瑋異卓絕之行亦足以振起流俗破醒迷情似不妨閒錄之以存正道之別派支流也溫公又以爲子不語怪故凡事涉神異悉刪而不錄愚以爲怪之興也必有所由神降於華石言於晉未必非有國者之炯鑒況天下之至怪何必非天下之至常乎天際之國碧落有痕龍宮之寺黃垓有吻是天地之怪而常者也泰山之井夜半見日東海之蜃空裏嘯樓是山海之怪而常者也石脾入水乾而出水濕獨活有風靜而無風搖是物理之怪而常者

也怪亦何足怪乎故余亦偶取而補之要使學者欲考興亡則觀政於朝欲知清濁則觀風於野欲樹宏猷則法古人之大節欲脩細行則拾往哲之餘芳論事者因其宏綱以詳其委曲談文者因其大意以采其菁華人無隱顯道隆者爲師行無奇平濟物者爲尙丈夫而婦女可醜也婦女而丈夫可學也遊於方之內者吾以觀其禮焉遊於方之外者吾以觀其意焉則何人非吾師何事非吾資哉或又進而問曰昔溫公之爲是書也朝廷借以御府秘書又天下有藏異書者官爲借之故溫公得以窮搜博采以成千古大觀而子乃欲以空虛之腹續而補之不猶嫌泰山之卑撮土以益其高訪滄海之隘勺水以增其廣乎余謝曰誠哉子言也然愚以爲學古者當以十七史爲宗余竊不自揣欲將十七史之未盡

補通鑑之偶遺使有志之士人人得睹全史之大概於是一句一字搜括剔取擇其宜錄而未盡錄者補葺成編以俟後學雖不能盡錄千古之人與千古之事然其人之不可不識與事之不可不知者略已收之幾盡矣而予何疑乎且編年之書始於左氏紀傳之體闢自馬遷二者異製而同功此論古者所不可偏廢也使有紀傳而無編年則人自爲局家自爲方一世之事幾於散碎而無紀自邱明傳春秋以年月爲經人事爲緯而後一世方成一統有編年而無紀傳則行或雜見言或雜鳴一人之事亦幾於散碎而無紀自子長作史記帝自爲紀臣自爲傳而後一人自成一家今通鑑之編年旣已踵左氏而大暢其風矣余又撮取古人之遺芳逸美足以寫人之生韻者或於其進身之始或於其謝事之年或

於其薨卒之日略敘其生平以倣子長之例使一書之中編年立傳若兩備其體焉然采取不可太繁纂輯不可太雜故於十七史之中不欲使之多遺於十七史之外不欲使之多贅也然非敢好翻古人之局以爲名高誠有大不得已於中者蓋余之初心不過標寫所未備於刻本之首使子孫得見通鑑之外尚有遺文逸事如許耳迨補至西漢之末及魏晉六朝之閒見其中奇節卓行之士不可勝數言與事旣混滅不傳姓與名亦湮沒不著若宇宙閒本無是人者然不亦悲乎今人爲八股文字所囿而博古之學廢所恃爲後學津梁者溫公此書耳乃猶多所闕略遂使無數賢豪君子皆寢臥於十七史中但飽蠹魚之腹而不得一開生面是古人之不幸也余今幸而得見之乃復私藏爲一家之秘是古人之

罪人也且余既明見此書之尙有未備而不爲拾遺補闕是又溫公之罪人也遂重立凡例細分科條詳爲簡勘繕寫成帙發端於萬歷之乙卯小成於崇禎之庚午又窮十年之心力以改輯之二十餘年之中食自三餐而外寢自一覺而後精神無他用也夏以油紙藉臂而書汗自頂至踵不暇扇也冬則硯凍未融必火烘日暝而書之不敢輟也余豈好勞而爲此哉既有大不得已者驅而迫之於內且欲求爲溫公之忠臣耳尸子不云乎屠人割肉則知牛少長弓人勢筋則知牛少長雕人裁骨則知牛少長若以此問聖人聖人豈能知之夫聖人之不知固不以是貶聖然豈可謂屠人弓人雕人之知不足以補聖人所未知哉今若使余與溫公比德絮功與劉范諸君子程能較藝余何敢望其後塵至若因其成

書而拾其偶闕補成大觀使病十七史之浩瀚者樂運鑑之簡嚴而病通鑑之闕略者又樂余之補正雖溫公復起或不遂遊之門牆之外矣客以是罪余余曷敢辭乃余所懼則有之昔溫公奉詔編集置局崇文院得自選官屬一時英俊如劉攽劉恕祖禹趙君錫輩皆博學洽聞識該古今之士也而盡爲之佐乃溫公進通鑑表猶云臣骸骨癯瘁目昏視近齒牙無幾神識衰耗臣之精力盡於此書況余孱劣無助惟一談子允厚佐余參較他書考訂同異然以二人之手目綜理一千三百六十二年之事崇禎甲申宋元續編亦復告竣又益以四百八十二年共一千八百四十四年之譜牒不亦難乎今談子久困於病獨幼子恆分典校閱而訂正之功尙有待於明達飽學之君子前程如海茫乎未有涯涘而余

髮已種種矣此余之所以撫編長歎也況此書未就憂在難成此書既成又憂在難守子孫之賢不肖不可知一難守也盜賊兵戈水火之不可防二難守也上官有力者之借觀三者之中倘有一焉余三十年之苦心盡付之東流矣余既貧士繕寫成帙所費不貲蓋已羅雀掘鼠剝膚及膏矣鐫刻豈所敢謀凡有斯文之任者余不能無望焉

崇禎十有七年歲在甲申九月朔古膠嚴衍永思父書於翠竹溪亭

資治通鑑補後序

甚矣古人之書未易增損也古人以絕人之才絕人之學絕人之識又集天下才有學有識之士積年月而後成後之人不及古人萬一欲補輯而整頓之不亦難乎雖然賢者識大不賢者識小尺未必無所短寸未必無所長倘藉先賢九仞之基奏後學一篑之效使偶遺者獲全偶錯者獲正未必非作者之功臣也嘗上下作述之林而一爲論列纂輯之事與著作不同編年之書與紀傳有異著作者出一人獨得之見以自成一家之言則規裁易定纂輯者集百家雜出之文以網羅百代之事則筆削難施紀傳者止勒一帝之事止撰一臣之行前後大略合符彼此不相矛盾編年者襍天下之物於一歲之中彙羣倫之德於一日之內條貫既難



井井同異又易紛紛然則著書固莫難於纂輯纂輯尤莫難於編  
年也閒舉其病大槩有七紀事必提其要固無取於繁稱纂言必  
鉤其元誠宜翦其蕪蔓然而事或太刪則委曲未盡甚而前後不  
相應者有之言或太節則氣脈不舒甚而上下不相蒙者有之厥  
病曰漏壘牀架屋不增百室之觀附贅縣疣祇益五官之醜如一  
帙之中文已特見易卷之後事復重書後先莫據去取奚從厥病  
曰複四時之序先春夏於秋冬五行之令次金水於木火作史者  
紀年紀月既列干支則序事者孰後孰先當詳時日倘今歲之詔  
策移之來歲或他年之案牘置之昔年甲子乙亥後癸列壬前厥病  
曰紊有功而賜姓乃漢唐之弊習避諱而更名誠臣子之至情然  
未賜已賜婁劉必須畫一己更未更匡光例當定稱閒有張李互

見甲乙送書使讀者南北紛岐東西眩昏厥病曰襍指鹿而謂爲馬三尺童子莫之信也見蜚而疑爲蜥蜴稱博雅猶不免焉魯魚亥豕其爲稽古家之累豈淺鮮哉自非讎校精工將有童而習之白首不知其謬者厥病曰誤訂僞固貴闕疑徵文亦由信古孔刪書而不刪漂杵之事孟好讐而不譬謨蓋之言是於情理之變猶且存而不刊況乃聞見之常豈得削而不錄倘逞其臆見斷以圖裁漫從而抹殺之曰某事不足取某言不足信殆非夏五傳疑之意也厥病曰執伯夷不爲盜柳下不爲淫豈顧問哉乃或因稗官之浪載而不審其事之有無卽堅執史氏之漫傳而不核其人之底裏使孝子忠臣含冤終古義夫貞婦蒙垢千秋厥病曰誣苟悅漢紀以後唐四庫書編年者四十一家今皆湮滅不傳豈俱未免

乎七病故其書不足傳與溫公之作通鑑也參同訂異採要搜奇  
十九年中心力俱殫真先後有倫精粗不穰繼左氏而興者誰復  
與京哉然試將十七史細與相商則所云七病閒亦有之此嚴夫  
子之補正所以不容已也請類舉一二以槩其餘所謂漏如漢高  
帝二年立漢社稷施恩德賜民爵置三老定上帝山川之祀四年  
初爲算賦詔讞疑獄十一年減省口賦下詔求賢十二年爲泰始  
皇楚隱王魏安釐王齊愍王趙悼襄王魏公子無忌各置守冢有  
差帝崩太子卽位上帝尊號曰高皇帝令郡國諸侯王各立高祖  
廟下詔減田租復十五稅一此皆政事之大者而通鑑皆不載則  
其小者可知又卽高祖十二年中所遺如此則餘一千三百五十  
年中所遺又可知他如日食地震水旱蝗饑郊天祀廟行幸還宮

命相封王皆通鑑所慎重而漢以前闕者十之一漢以後闕者十之三至如更始元年王莽廬江連率李憲據郡備淮南王光武建武三年稱帝四年遣馬成擊憲六年憲亡走其軍士昂意追斬憲封昂意爲漁浦侯而通鑑于憲之稱王稱帝則書於馬成破憲昂意斬憲則不書是爲無尾宋孝武帝大明五年立南北二馳道至孝武崩乃罷之而通鑑但書罷不書立是爲無首漢惠帝三年冒頓遣高后媼書樊噲願得十萬眾橫行以雪恥中郎將季布曰前冒頓圍高帝於平城漢兵三十二萬噲爲上將軍不能解圍天下歌之曰平城之下亦誠苦七日不食不能發弩今歌吟之聲未絕傷夷者甫起歌吟之聲正謂平城之歌也而通鑑刪去之則歌吟二字無所謂矣獻帝興平元年徐州牧陶謙卒別駕糜竺率州人

迎備備曰袁公路近在壽春此君四世五公海內所歸君可以州  
與之孔融曰袁公路豈憂國忘家者邪冢中枯骨何足介意而通  
鑑刪去四世五公四字則冢中枯骨無所謂矣若此者惡可以不  
補所謂復如晉安帝義熙十年西秦乞伏熾盤滅南涼虜其太子  
虎臺旣而以虎臺妹爲后遂厚待虎臺至宋營陽王景平元年熾  
盛后密與虎臺謀殺熾盤事露遂皆見殺而通鑑於義熙十年豫  
書殺虎臺至景平元年十月又詳書之唐太宗貞觀元年突厥大  
雪平地數尺雜畜多死連年饑饉而通鑑一載之於七月又載之  
於十二月武后以豆盧欽望爲文昌右相本在聖歷二年而通鑑  
於神功元年聖歷二年兩書之欽望罷爲太子賓客本在久視元  
年二月而通鑑於聖歷元年久視元年兩書之若此者惡可以不

刪所謂秦者如周赧王十七年趙惠文王封弟勝爲平原君通鑑  
於此卽書平原君好客養士之事今按史記趙武靈王十六年納  
吳娃是爲赧王之五年也則惠文之生或當在六七年之間至十  
七年武靈王傳位於惠文王則惠文於是時亦不過十二三歲而  
已矣平原君又其同母弟則是時或止數齡耳豈便能養士信曰  
早成則其父武靈王爲李兌公子成幽死去此只四年平原君何  
以不能救解安用客爲哉然則平原之養士後事耳何可使綴於  
此漢高祖六年始封張敖爲酈侯十一年上征黥布以敖爲太子  
少傅輔太子鎮關中故敖自稱以三寸舌爲帝者師封萬戶侯此  
布衣之極於敖足矣此十一年以後之語也而通鑑卽載於五年  
敖從帝入關之時不知是時敖尙未封侯未爲太子傳何得先以

帝者師萬戶侯自居若此者惡可以不正且通鑑極嚴於歷日日  
月稍有不合并其所載之事而刪之者甚多乃細核其中時日之  
錯亂者亦復不少如梁簡文帝大寶元年二月丙戌以安陸王大  
春爲揚州刺史乙巳以尚書僕射王充爲左僕射庚寅東魏以尚  
書令高隆之爲太保三月甲申侯景請上禋宴於樂遊苑庚申東  
魏進丞相高洋爵爲齊王四月庚辰朔湘東王繹以上甲辰詔爲  
長沙王丙午湘東王繹下令討侯景夫乙巳在庚寅後十五日豈  
得反敘之於前且二月既有丙戌與庚寅則三月必無甲申三月  
既有甲申則月內不應又有庚申四月朔亦必非庚辰四月朔既  
爲庚辰則次日卽爲辛巳何反書於丙午之後且一月而丙午可  
見焉似此錯亂紛糾卽欲正之思從而正之固不若紫陽氏盡去

之爲愈也所謂雜者如晉穆帝永和三年趙麻秋攻枹罕涼州將  
張俊欲棄大城甯戎校尉張璠從之海西公太和二年張天錫討  
李儼遣征東將軍常據向左南孝武帝太元元年苻堅伐涼州張  
天錫遣征東將軍掌據帥眾三萬軍於洪池張璠常據掌據若爲  
三人今考十六國春秋與晉書載記則本一人之事也但載記作  
張璠十六國春秋作常據通鑑於永和中已從載記於太和中又  
從十六國春秋於太元中復不知何所本而作掌璠夫張也常也  
掌也姓則岐而爲三璠也據也名且析而爲二使讀者惑焉毛寶  
之子穆之小字虎生成帝建元二年建武將軍庾方之以參軍毛  
穆之爲建武司馬書曰穆之寶之子也海西公太和四年大司馬  
桓溫伐燕使冠軍將軍毛虎生鑿鉅野三百里引汶水會於清水



又書曰虎生寶之子也前稱名後稱字宋武陵王贊小字智隨明  
帝泰始六年書以王子智隨爲武陵王其後則又皆書武陵王贊  
前稱字後稱名若此者又惡可以不正晉成帝咸和八年慕容皝  
遣庶弟幼穉討母弟仁於平郭兵敗幼穉爲仁所獲至咸康三年  
仁敗則又曰慕容幼慕容穉皆東走幼中道而還是分一人爲二  
人晉安帝元興二年姚興遣使者梁斐張構使沮渠蒙遜而通鑑  
書秦遣使者梁構至張掖是合二人爲一人北齊幼主高恆禪位  
於任賊王浟自稱守國天王而通鑑誤守爲宋胡身之不考北齊  
書妄爲註曰齊猶未亡不應遽改國號宋國當是宗國凡此者皆  
誤也張良招致四皓以輔翼太子此良之妙用知帝不可以虛辭  
奪而可以機事惑也乃溫公謂良爲子立黨以制父又曰高祖剛

猛伉厲非畏縮紳議議者借使四也實能梃之不過汗高祖四寸之刃耳夫高祖輟洗於鄴生降氣於隨何非醢麟烹鳳之暴主也且進人主之所敬以默爲感惜豈如世之結納智勇蓄養部曲以圖篡奪者耶何爲棄而不錄也唐元宗先天元年召姚元之爲相元之以十事要帝一請政先仁恕二請勿求邊功三請中官勿與政事四請國親勿任臺省并罷斜封員外等官五請行法自近六請杜賦外貢獻七請勿造寺觀八請接大臣以禮九請容納直言十請勿用母后之族皆切中時弊方帝勵精之初言之不嫌於早亦不嫌於盡而溫公乃曰當時天下事止此十條須因事啟沃豈一旦可要亦棄不取天寶中安思順爲朔方節度使郭子儀李光弼俱爲牙門都將二人不相能旣而思順誅以子儀代之光弼懼

乃入請曰一死固甘請免妻子子儀趨下持手上堂偃坐曰今逆寇倡亂非公不能東伐豈懷私忿時邪涕泣相勉以忠義遂薦之朝詔命光弼節度河東分兵東討然則光弼之請乃子儀初爲節度猶未薦之朝也作傳者漫以請死事置之分兵東討下此辭臣之筆誤而溫公謂是時唐之號令猶行天下若制書已除光弼爲節度子儀安敢擅殺之遂皆刪抹是因秉筆者之微疵沒薦賢者之大度豈古史彰善之義哉凡此者皆執也至所謂誣者如宋文帝元嘉七年魏人攻拔虎牢司州刺史尹冲投壘而死文帝爲之傷悼不已賦詩以美其節宋書載之甚詳魏書亦無異辭而通鑑乃云冲與滎陽太守崔模俱降魏夫死與降忠逆之極致可混而書之乎周天元爲太子狎昵鄭譯多失德烏丸軌在武帝前每直

言其過帝問宇文孝伯孝伯亦不爲之諱軌後侍內宴將帝鬚曰  
好老公但恨後嗣弱耳太子於是每遭捶撻及天元卽位問譯曰  
我腳杖痕誰所爲也譯曰事由烏丸軌宇文孝伯譯因言將鬚事  
天元因殺軌及孝伯通鑑于因言將鬚事上逸一譯字胡身之乃  
以事由烏丸軌爲句以宇文孝伯因言將鬚事爲句遂註曰孝伯  
何出此言豈求免死耶然終於不免也身之一誤遂使賢如孝伯  
而蒙譖賢之謗何冤痛如之唐人皮日休自號鹿門子新舊唐書  
皆不爲立傳獨孫光憲北夢瑣言云日休字襲美襄陽竟陵人也  
隱居鹿門山以聖道自任咸通中成進士官至國子博士進書兩  
通一請廢莊列之書以孟子爲學科一請以韓愈配饗太學謂其  
蹴楊墨踐釋老使孔道炳然如日星也旣而寓居蘇州與陸龜蒙

爲友著書數十卷皮子三卷黃寇中遇害而通鑑於僖宗廣明元年書黃巢以太常博士皮日休爲翰林學士此雖本舊唐書本紀與新唐書黃巢傳及詳考巢傳言其僭號之後欲以僞官汙朝臣如裴渥豆盧瑑輩皆居顯職然惟賊黨樂從之召王官無有至者巢乃大索里閭凡亡命不赴任者皆殺之則日休之爲翰林學士或亦僞詔云然耳夫日休既能以聖道自任於古人中識孟子於時人中識韓愈是亦孟韓之徒也而謂其可甘心臣賊乎況云皆殺之北夢瑣言爲信然矣卽尹師魯作皮子良墓志亦稱其曾祖日休避廣明之亂徙籍會稽依錢氏官至太常博士贈禮部尙書使其仕賊又誰爲之贈邪夫顏淵竊飯曾參殺人猶疑之況忠信未及顏曾者是以華歆在漢魏閒其淑德懿行爲當時名公輩

所景仰范曄一置之不錄而獨信賄瞞傳率后事使賢如子魚負  
黨逆之謗通鑑亦不察而書之頃者我師已痛爲歆辨而厚亦與  
日休洗穢滌污無使任道之士蒙垢終古也若夫嚴正統以定千  
秋之名分存殘統以留一日之君臣黜僭偽之紀年奪篡弒之帝  
號則又此書大居正之義尤先生所慎重而詳言之者也然則是  
書也可以謂之補亦可以謂之正先生何僅以補爲名先生曰先  
賢之書增損皆罪補猶不得已而居其實正則惡乎敢而當其名  
況此書之正者不過百中之一二豈若補者十中之三四哉則亦  
僅謂之補而已矣然先生之補此書也亦非率爾從事也自萬歷  
之乙卯沈酣於其中至天啟之乙丑十年之探討凡四五周焉已  
洞見其中之闕失丙寅春始發篋陳書而補之又苦一人之力有

限至崇禎之戊辰命厚典參較之事已巳秋晉史告完繕寫成帙  
先生手自批閱遂以宋齊梁陳及北魏北齊北周七書併南北二  
史屬厚爲主而先生爲佐自隋以後則先生復自爲政而厚仍爲  
佐至戊寅七月五代史告竣凡十三易寒暑矣抑何成之難也先  
生嘗爲厚言人之聰明百倍於我者有之才學千倍於我者有之  
然而不能成是書者不如我之一也子之一不如我而聰明過我  
我所以不能無子也然先生與厚之爲此亦綦慎矣迴憶戊辰至  
今每聯牀對榻彼此相商一字未安拙翻百帙片言無據考訂兼  
旬至於得失已見是非無疑輒又遲徊久之或竟日竟夕而後下  
筆先生與厚亦重有苦心矣然不將通鑑原本與十七史全書字  
字對勘一過則先生與厚之苦心未易見也

崇禎十有一年歲在己卯孟夏門人談允厚百非謹述



資治通鑑補凡例

一嚴正統通鑑於周之亡卽以秦紀年於唐之亡卽以梁紀年皆未能混一四海而俱以正統歸之至於帝魏而黜漢尊呂武而黜少主中宗又如王莽之大書紀年皆未協於公論故俱依朱子通鑑綱目改正其詳見序若宋齊梁陳雖分南北而獨仍通鑑得稱正統蓋以南統北中華爲主也

一存殘統通鑑於易姓之際先於歲首豫書新主年號而舊主之殘年剩月一筆削去如魏之篡漢在獻帝之建安二十五年冬十月而於歲首卽書魏黃初元年晉之篡魏在曹奂之咸熙二年十二月而於歲首卽書晉泰始元年之類夫天命一日未改猶然一日之君臣何得崇新而棄舊今皆按其年月而改紀之

以昭實錄也

一補僭主之名通鑑於晉之漢魏諸國皆書某國某主未有不稱名者自晉以前自宋以後則皆不爾但稱某國主而已使猝然展卷時雖知其爲某國主而不知其爲某國之某主也今依晉鑑例一槩補書其名不獨於正統之名號有別且使閱史者一展卷而卽知其爲某國之某主無俟追尋別卷也

一補年號通鑑於改元之首及每卷之首則書年號以後但書數而已人於猝然展卷時竟不知爲何年也今於每年之上必補書年號又於每葉陰面邊側細書某朝某帝某年以便簡閱也至於僭國年號必書於正統紀年之下而以分註別之

一補甲子通鑑但書年數而不書甲子今於每年之上必補書之

一正謬誤詳見序

一理繁亂詳見序

一整錯雜詳見序

一刪重複詳見序

一破拘執詳見序

一辯誣枉詳見序

一補政事之漏詳見序

一補詔敕之遺詳見序

一補文章之遺逸并刪削太甚者

一補名賢之卒通鑑之例凡書薨卒者大抵居通顯而卒於官者也散秩不書卽非散秩而已去位者不書卽閒有之亦不過干

百中之一二至於微君處士樂未有書者今依朱子綱目書陶潛卒例凡其人之有善可紀有德可稱者無論位之尊卑人之出處皆補書之而以其素行之未入通鑑者節取而志於其下謂之小傳倣史記之例也

一補隱逸通鑑於嚴光周黨管甯王烈輩開亦采錄其言行然而未詳也其餘如嚴君平陶元亮輩高風峻節可以羽儀百世者晉漢以後多有其人而通鑑一不及焉今取古今所傳誦者特補之

一補賢媛通鑑自后妃而外如曹大家宋若憲輩皆以入宮教誨故載之其餘或因父與兄而見或因夫與子而見未有特筆載之者也今取其節孝貞烈有關於風化者亦特筆補之

一補藝術通鑑於倉公管輅郭璞李淳風輩雖因事記之未能詳也其餘譬如華佗歷如一行相如袁天綱書畫如張芝顧愷之等皆稱絕一代之俱置不錄今取其事開朝廷者補爲正文而稍涉猥瑣者補爲附錄

一補二氏通鑑如佛圖澄寇謙之等亦旣因事而見矣餘皆弗錄然二氏之教流傳已久卽不足以垂訓亦何必不存其說也今亦取其事關朝廷者補之稍涉幻僻者爲附錄

一補災異通鑑於日食星孛地震山崩川竭水旱蝗疫固已載之矣其餘物怪人妖振古所未聞未見者五行志甚多此孰非天之所以詔古人主也今采其尤異者補之

一補史斷後世纂史者多采宋儒評論以爲斷其當者固善矣然

或失之腐與刻者有之此固不得濫收若班馬卓論可坐千古及後代史臣亦時有高識宏詞確不可易者輒錄一二以資觀覽至通鑑所載他人史論及溫公自論俱列於正文之內似失體裁今必另起一行復低一字以別於正文

一補註釋胡身之註該洽精詳會文切理無容議矣然閒亦有辭簡而未盡其義者則爲暢之偶有誤解而殊乖其旨者則爲正之若此者上必用補註圖書以記之

一補附錄二氏之誕異五行之妖幻藝術之工巧人物之纖細雖其事可資傳述而編入正文恐類稗史者則如註釋作雙行細書上用附錄圖書以記之

一別補正溫公原文既大書矣而所補入或改正者亦作大書用

(以別之)

溫公通鑑繼體左氏惟世所傳本竝非梅澗原書萬歷時有無注  
本又有吳勉學本陳仁卿本近時胡果泉翻刻本讀者頗苦字句  
之譌且溫公時所引之書已半亡佚所用正史今人又不能尋檢  
原文益滋疑誤明季嚴永思先生博通史學著通鑑補積四十年  
之功甫成其義例詳於自序可謂涑水功臣惜卷帙浩繁未經刊  
刻聞陽湖張氏有鈔本亦未之見先君覓得此稿珍如至寶公  
餘翻閱不忍釋手曾與儀徵吳熙載劉孟瞻諸君商酌付刊嗣因  
攝篆兩淮未竟其事釋等讀禮家居謹用聚珍版鳩工成帙勉力  
繼志但鈔寫本多錯誤而印工匆迫校勘難精爰附刊誤二冊俾  
閱者備查草草告成公諸同好庶嚴先生之補可以流布人間云  
咸豐元年歲次辛亥仲冬江夏後學重和豫謹識



宋神宗御製資治通鑑序

朕惟君子多識前言往行以畜其德故能剛健篤實輝光日新書亦曰王人求多聞時惟建事詩書春秋皆所以明乎得失之迹存王道之正垂鑑戒於後世者也漢司馬遷紬石室金匱之書據左氏國語推世本戰國策楚漢春秋采經摭傳罔羅天下放失舊聞考之行事馳聘上下數千載開首紀軒轅至于麟止作爲紀表世家誓傳後之述者不能易此體也惟其是非不謬於聖人褒貶出於至當則良史之才矣若稽古

英考兩神載籍萬機之下未嘗廢卷嘗命龍圖直閣學士司馬光論次歷代君臣事迹俾就秘閣緝閱給吏史筆札起周威烈王訖于五代光之志以爲周積衰王室微禮樂征伐自諸侯出平王東

遷齊楚秦晉始大桓文更霸猶託尊王爲辭以服天下威烈王自  
陪臣命韓趙魏爲諸侯周雖未滅王制盡矣此亦古人述作造端  
立意之所繇也其所載明君良臣切摩治道議論之精語德刑之  
善制天人相與之際休咎庶證之原威福盛衰之本規模利害之  
效良將之方略循吏之條教斷之以邪正要之於治忽辭令淵厚  
之體箴諫深切之義良謂備焉凡十六代勒成二百九十六卷列  
于戶牖之閒而盡古今之統博而得其要簡而周于事是亦典刑  
之總會冊牘之淵林矣荀卿有言欲觀聖人之迹則於其粲然者  
矣後王是也若夫漢之文宣唐之太宗孔子所謂吾無閒焉者自  
餘治世盛王有慘怛之愛有忠利之教或知人善任恭儉勤畏亦  
各得聖賢之一體蓋藝所謂吾於武成取二三策而已至于龍墜

顛危可見前車之失亂賊姦宥厥有履霜之漸詩云商鑑不遠在  
夏后之世故賜其誓名曰資治通鑑以著朕之志焉耳

治平四年十月初開經筵奉 聖旨讀資治通鑑其月九日  
臣光初進讀面賜 御製序令候書成日寫入



新註資治通鑑序

古者國各有史以紀年書事晉乘楚檣杙雖不可復見春秋經聖人筆削周轍既東二百四十二年事昭如日星秦滅諸侯燔天下書以國各有史刺譏其先疾之尤甚詩書所以復見者諸儒能藏之屋壁諸國史記各藏諸其國國滅而史從之至漢時獨有秦記太史公因春秋以爲十二諸侯年表因秦記以爲六國年表三代則爲世表當其時黃帝以來諱記猶存具有年數子長稽其歷譜諱終始五德之傳咸與古文乖異且謂孔子序書略無年月雖頗有然多闕夫子之弗論次蓋其慎也子長述夫子之意故其表三代也以世不以年汲冢紀年出於晉太康初編年相次起自夏殷周止魏哀王之二十年此魏國史記脫秦火之厄而晉得之子長

不及見也子長之史雖爲紀表書傳世家自班孟堅以下不能易雖以紀紀年而書事略甚蓋其事分見志傳紀表略也自荀悅漢紀以下紀年書事世有其人獨梁武帝通史至六百卷侯景之亂王僧辯平建業與文德殿書七萬卷俱西江陵之陷其書燼焉唐四庫書編年四十一家九百四十七卷而王仲淹元經十五卷蕭穎士依春秋義類作傳百卷逸矣今四十一家書存者復無幾乙部書以遷固等書爲正史編年類次之蓋紀傳表志之書行編年之書特以備乙庫之藏耳宋朝英宗皇帝命司馬光論次歷代君臣事迹爲編年一書神宗皇帝以鑑於往事有資於治道賜名曰資治通鑑且爲序其造端立意之由溫公之意專取闢國家盛衰繫生民休戚善可爲法惡可爲戒者以爲是書治平熙寧間

公與諸人議國事相是非之日也蕭曹盡一之辯不足以勝變法者之口分司西京不豫國論專以書局爲事其忠憤感慨不能自已於言者則智伯才德之論焚其名實之說唐太宗君臣之議樂李德裕牛僧孺爭維州事之類是也至於黃幡綽石野豬俳諧之語猶書與局官欲存之以示懲此其微意後人不能盡知也編年豈徒哉世之論者率曰經以載道史以紀事史與經不可同日語也夫道無不在散於事爲之間因事之得失成敗可以知道之萬世亡弊史可少歟爲人君而不知通鑑則欲治而不知自治之源惡亂而不知防亂之術爲人臣而不知通鑑則上無以事君下無以治民爲人子而不知通鑑則謀身必至於辱先作事不足以垂後乃如用兵行師創法立制而不知述古人之所以得鑑古人之

所以失則求勝而敗圖利而害此必然者也孔子序書斷自唐虞  
訖文侯之命而繫之秦魯春秋則始於平王之四十九年左邱明  
傳春秋止哀之二十七年趙襄子蒞智伯事通鑑則書趙興智滅  
以先事以此見孔子定書而作春秋通鑑之作實接春秋左氏後  
也溫公編閱舊史旁採小說抉擿幽隱薈粹爲書勞矣而修書分  
屬漢則劉攽三國迄於南北朝則劉恕唐則范祖禹各因其所長  
屬之皆天下選也歷十九年而成則合十六代一千三百六十二  
年行事爲一書豈一人心思耳目之力哉公自言修通鑑成惟王  
勝之借一讀他人讀未盡一紙已欠仲思睡是正文二百九十四  
卷有未能徧觀者矣若考異三十卷所以參訂羣書之異同伴歸  
於一目錄三十卷年經國緯不特使諸國事雖然並錄者粲然有



別而已前代歷法之更造天文之失行實著於目錄上方是可以  
凡書目錄觀邪 先君篤史學竊祐癸卯始患鼻衄讀史不暫置  
灑血清書遺迹故在每謂三省曰史漢自服虔應劭至三劉註解  
多矣章懷註范史裴松之註陳壽史雖開有音釋其實廣異聞補  
未備以示博洽晉書之楊正衡唐書之竇苹董術吾無取焉徐無  
黨註五代史粗言歐公皆法義例他未之及也通鑑先有劉安世  
音義十卷而世不傳釋文本出於蜀史炤馮時行爲之序今海陵  
板本又有溫公之子康釋文與炤本大同而小異公休於書局爲  
檢閱官是其得溫公辟咄之教詔劉范諸公羣居之講明不應乖  
刺乃爾意海陵釋文非公休爲之若能刊正乎三省捧手對曰願  
學焉乙巳先君卒盡瘁家蠶又從事科舉業史學不敢廢也竊祐

丙辰出身進士科始得大肆其力於是嘗游宦遠外率攜以自隨  
有異書與人必就而正焉依陸德明經典釋文釐爲廣註九十七  
卷著論十篇自周訖五代略敘興亡大致咸淳庚午從淮壩歸杭  
都延平廖公見而躋之禮致諸家俾雋校通鑑以授其子弟爲著  
雋校通鑑凡例廖轉薦之賈相國德祐乙亥從軍江上言輒不用  
旣而軍潰閒道歸鄉里丙子浙東始騷辟地越之新昌師從之以  
孥免失其書亂定反室復購得他本爲之註始以考異及所註者  
散入通鑑各文之下歷法天文則隨目錄所書而附註焉汔乙酉  
冬乃克微編凡紀事之本末地名之同異州縣之建置離合制度  
之沿革損益悉疏其所以然若釋文之舛謬悉改而正之著辨誤  
十二卷嗚呼註班書者多矣晉灼集服應之義而辯其當否臣瓚

總諸家之說而駁以己見至小顏新註則又譏服應之疏索尙多  
蘇晉之剖斷蓋勘訾臣瓚以差爽詆蔡謨以牴牾自謂窮波討源  
構會甄釋無復遺恨而劉氏兄弟之所以譏顏者猶顏之譏前人  
也人苦不自覺前註之失吾知之吾註之失吾不能知也又古人  
註書文約而義見今吾所註博則博矣反之於約有未能焉世運  
推遷文公儒師從而凋謝吾無從而取正或勉以北學於中國嘻  
有志焉然吾衰矣旃蒙作噩冬十有一月乙酉日長至天台胡三  
省身之父書於梅磻蠺居

資治通鑑補卷首終

資治通鑑補目錄

卷一

周紀一

起威烈王二十三年  
止烈王七年

卷二

周紀二

起顯王元年  
止顯王四十八年

卷三

周紀三

起慎微王元年  
止威王十七年

卷四

周紀四

起赧王十八年  
止赧王四十二年

卷五

周紀五

起赧王四十三年  
止赧王五十九年

卷六

列國紀  
起丙午止己卯

卷七

秦紀一  
起始皇二十六年止二世元年

卷八

秦紀二  
起二世二年止二世三年

卷九

漢紀一  
起高祖元年止高祖二年

卷十

漢紀二  
起高祖三年止高祖四年

卷十一

漢紀三 起高祖七年  
止高祖五年

卷十二

漢紀四 起高祖八年  
止惠帝七年

卷十三

漢紀五 起高祖元年  
止文帝二年

卷十四

漢紀六 起文帝三年  
止文帝十年

卷十五

漢紀七 起文帝十一年  
止景帝二年

卷十六

漢紀八 起景帝前三年  
止景帝後三年

卷十七

漢紀九

起武帝建元元年  
止武帝元光元年

卷十八

漢紀十

起武帝元光二年  
止武帝元朔四年

卷十九

漢紀十一

起武帝元朔五年  
止武帝元狩四年

卷二十

漢紀十二

起武帝元狩五年  
止武帝元封元年

卷二十一

漢紀十三

起武帝元封二年  
止武帝天漢二年

卷二十二



漢紀十四

起武帝天漢三年  
止武帝後元二年

卷二十三

漢紀十五

起昭帝始元元年  
止昭帝元鳳六年

卷二十四

漢紀十六

起昭帝元平元年  
止宣帝地節二年

卷二十五

漢紀十七

起宣帝地節三年  
止宣帝元康四年

卷二十六

漢紀十八

起宣帝神雀元年  
止宣帝神雀三年

卷二十七

漢紀十九

起宣帝神雀四年  
止宣帝黃龍元年

卷二十八

漢紀二十一 起元帝初元元年  
止元帝永光二年

卷二十九

漢紀二十二 起元帝永光三年  
止元帝竟寧元年

卷三十

漢紀二十三 起成帝建始元年  
止成帝陽朔二年

卷三十一

漢紀二十四 起成帝陽朔三年  
止成帝永始元年

卷三十二

漢紀二十五 起成帝永始四年  
止成帝綏和元年

卷三十三

漢紀二十五

起成帝綏和二年  
止哀帝建平元年

卷三十四

漢紀二十六

起哀帝建平二年  
止哀帝建平四年

卷三十五

漢紀二十七

起哀帝元壽元年  
止平帝元始二年

卷三十六

漢紀二十八

起平帝元始三年  
止孺子嬰初元元年

卷三十七

漢紀二十九

起王莽始建國元年  
止王莽天鳳元年

卷三十八

漢紀三十

起王莽天鳳二年  
止王莽地皇三年

卷三十九

漢紀三十一 起更始元年 止更始二年

卷四十

漢紀三十二 起光武建武元年 止光武建武二年

卷四十一

漢紀三十三 起光武建武三年 止光武建武五年

卷四十二

漢紀三十四 起光武建武六年 止光武建武十一年

卷四十三

漢紀三十五 起光武建武十二年 止光武建武二十二年

卷四十四

漢紀三十六

起光武建武二十三年  
止明帝永平三年

卷四十五

漢紀三十七

起明帝永平四年  
止明帝永平十八年

卷四十六

漢紀三十八

起章帝建初元年  
止章帝元和元年

卷四十七

漢紀三十九

起章帝元和二年  
止和帝永元三年

卷四十八

漢紀四十

起和帝永元四年  
止和帝元興元年

卷四十九

漢紀四十一

起明帝延平元年  
止安帝元初二年

卷五十

漢紀四十二 起安帝元初三年  
止安帝延光三年

卷五十一

漢紀四十三 起安帝延光四年  
止順帝陽嘉二年

卷五十二

漢紀四十四 起順帝陽嘉三年  
止沖帝永嘉元年

卷五十三

漢紀四十五 起質帝本初元年  
止桓帝永壽二年

卷五十四

漢紀四十六 起桓帝永壽三年  
止桓帝延熹六年

卷五十五

漢紀四十七

起桓帝延熹七年  
止桓帝延熹九年

卷五十六

漢紀四十八

起桓帝永康元年  
止靈帝建寧四年

卷五十七

漢紀四十九

起靈帝熹平元年  
止靈帝光和三年

卷五十八

漢紀五十

起靈帝光和四年  
止靈帝中平四年

卷五十九

漢紀五十一

起靈帝中平五年  
止獻帝初平元年

卷六十

漢紀五十二

起獻帝初平二年  
止獻帝初平四年

卷六十二

漢紀五十三

起獻帝興平元年  
止獻帝興平二年

卷六十二

漢紀五十四

起獻帝建安元年  
止獻帝建安二年

卷六十三

漢紀五十五

起獻帝建安四年  
止獻帝建安五年

卷六十四

漢紀五十六

起獻帝建安六年  
止獻帝建安十年

卷六十五

漢紀五十七

起獻帝建安十一年  
止獻帝建安十三年

卷六十六



漢紀五十八

起獻帝建安十四年  
止獻帝建安十八年

卷六十七

漢紀五十九

起獻帝建安十九年  
止獻帝建安二十一年

卷六十八

漢紀六十

起獻帝建安二十二年  
止獻帝建安二十五年

卷六十九

漢紀六十一

起昭烈章武元年  
止昭烈章武二年

卷七十

漢紀六十二

起昭烈章武三年  
止後主建興五年

卷七十一

漢紀六十三

起後主建興六年  
止後主建興八年

卷七十二

漢紀六十四

起後主建興九年  
止後主建興十二年

卷七十三

漢紀六十五

起後主建興十三年  
止後主建興十五年

卷七十四

漢紀六十六

起後主延熙元年  
止後主延熙八年

卷七十五

漢紀六十七

起後主延熙九年  
止後主延熙十五年

卷七十六

漢紀六十八

起後主延熙十六年  
止後主延熙十八年

卷七十七

漢紀六十九 起後主延熙十九年  
止後主景耀四年

卷七十八

漢紀七十 起後主景耀五年  
止晉武帝泰始元年

卷七十九

晉吳紀一 起武帝泰始二年  
止武帝泰始八年

卷八十

晉吳紀二 起武帝泰始九年  
止武帝咸寧五年

卷八十一

晉紀一 起武帝太康元年  
止武帝太康九年

卷八十二

晉紀二 起武帝太康十年  
止惠帝元康八年

卷八十三

晉紀三 起惠帝元康九年  
止惠帝永康元年

卷八十四

晉紀四 起惠帝永甯元年  
止惠帝太安元年

卷八十五

晉紀五 起惠帝太安二年  
止惠帝永興元年

卷八十六

晉紀六 起惠帝永興二年  
止懷帝永嘉二年

卷八十七

晉紀七 起懷帝永嘉三年  
止懷帝永嘉五年

卷八十八

晉紀八 起懷帝永嘉六年  
止愍帝建興元年

卷八十九

晉紀九 起愍帝建興二年  
止愍帝建興四年

卷九十

晉紀十 起愍帝建興五年  
止元帝太興元年

卷九十一

晉紀十一 起元帝太興二年  
止元帝太興四年

卷九十二

晉紀十二 起元帝永昌元年  
止明帝太寧元年

卷九十三

晉紀十三 起明帝太寧二年  
止成帝咸和二年

卷九十四

晉紀十四

起成帝咸和三年  
止成帝咸和六年

卷九十五

晉紀十五

起成帝咸和七年  
止成帝咸康三年

卷九十六

晉紀十六

起成帝咸康四年  
止成帝咸康七年

卷九十七

晉紀十七

起成帝咸康八年  
止穆帝永和三年

卷九十八

晉紀十八

起穆帝永和四年  
止穆帝永和六年

卷九十九

晉紀十九 起穆帝永和七年  
止穆帝永和十年

卷一百

晉紀二十 起穆帝永和十一年  
止穆帝升平三年

卷一百一

晉紀二十一 起穆帝升平四年  
止海西公太和三年

卷一百二

晉紀二十二 起海西公太和四年  
止海西公太和五年

卷一百三

晉紀二十三 起海西公太和六年  
止孝武帝寧康三年

卷一百四

晉紀二十四 起孝武帝太元元年  
止孝武帝太元七年

卷一百五

晉紀二十五

起孝武帝太元八年  
止孝武帝太元九年

卷一百六

晉紀二十六

起孝武帝太元十年  
止孝武帝太元十一年

卷一百七

晉紀二十七

起孝武帝太元十二年  
止孝武帝太元十六年

卷一百八

晉紀二十八

起孝武帝太元十七年  
止孝武帝太元二十一年

卷一百九

晉紀二十九

安帝隆安元年

卷一百十



晉紀三十 安帝隆安二年

卷一百十一

晉紀三十一 起安帝隆安三年  
止安帝隆安四年

卷一百十二

晉紀三十二 起安帝隆安五年  
止安帝元興元年

卷一百十三

晉紀三十三 起安帝元興二年  
止安帝元興三年

卷一百十四

晉紀三十四 起安帝義熙元年  
止安帝義熙四年

卷一百十五

晉紀三十五 起安帝義熙五年  
止安帝義熙六年

卷一百十六

晉紀三十六 起安帝義熙七年  
止安帝義熙十年

卷一百十七

晉紀三十七 起安帝義熙十一年  
止安帝義熙十二年

卷一百十八

晉紀三十八 起安帝義熙十三年  
止恭帝元熙元年

卷一百十九

宋紀一 起武帝永初元年  
止晉陽王景平元年

卷一百二十

宋紀二 起晉陽王景平二年  
止文帝元嘉四年

一百二十一

宋紀三 起文帝元嘉五年  
止文帝元嘉七年

卷一百二十二

宋紀四 起文帝元嘉八年  
止文帝元嘉十二年

卷一百二十三

宋紀五 起文帝元嘉十三年  
止文帝元嘉十八年

卷一百二十四

宋紀六 起文帝元嘉十九年  
止文帝元嘉二十三年

卷一百二十五

宋紀七 起文帝元嘉二十四年  
止文帝元嘉二十七年

卷一百二十六

宋紀八 起文帝元嘉二十八年  
止文帝元嘉二十九年

卷一百二十七

宋紀九 文帝元嘉三十年

卷一百二十八

宋紀十 起孝武帝孝建元年  
止孝武帝大明二年

卷一百二十九

宋紀十一 起孝武帝大明三年  
止孝武帝大明八年

卷一百三十

宋紀十二 起前廢帝永光元年  
止明帝泰始元年

卷一百三十一

宋紀十三 明帝泰始二年

卷一百三十二

宋紀十四

起明帝泰始三年  
止明帝泰始六年

卷一百三十三

宋紀十五

起明帝泰始七年  
止蒼梧王元徽三年

卷一百三十四

宋紀十六

起蒼梧王元徽四年  
止順帝昇明二年

卷一百三十五

齊紀一

起高帝建元元年  
止武帝永明元年

卷一百三十六

齊紀二

起武帝永明二年  
止武帝永明七年

卷一百三十七

齊紀三

起武帝永明八年  
止武帝永明十年

卷一百三十八

齊紀四

武帝永明十一年

卷一百三十九

齊紀五

起鬱林王隆昌元年  
止明帝建元元年

卷一百四十

齊紀六

起明帝建武二年  
止明帝建武三年

卷一百四十一

齊紀七

起明帝建武四年  
止明帝永泰元年

卷一百四十二

齊紀八

東昏侯永元元年

卷一百四十三

齊紀九 東昏侯永元二年

卷一百四十四

齊紀十 起和帝中興元年  
止和帝中興二年

卷一百四十五

梁紀一 起武帝天監元年  
止武帝天監三年

卷一百四十六

梁紀二 起武帝天監四年  
止武帝天監六年

卷一百四十七

梁紀三 起武帝天監七年  
止武帝天監十三年

卷一百四十八

梁紀四 起武帝天監十四年  
止武帝天監十七年

卷一百四十九

梁紀五 起武帝天監十八年  
止武帝普通四年

卷一百五十

梁紀六 起武帝普通五年  
止武帝普通六年

卷一百五十一

梁紀七 起武帝普通七年  
止武帝大通元年

卷一百五十二

梁紀八 武帝大通二年

卷一百五十三

梁紀九 武帝中大通元年

卷一百五十四



梁紀十 武帝中大通二年

卷一百五十五

梁紀十一 起武帝中大通三年  
止武帝中大通四年

卷一百五十六

梁紀十二 起武帝中大通五年  
止武帝中大通六年

卷一百五十七

梁紀十三 起武帝大同元年  
止武帝大同三年

卷一百五十八

梁紀十四 起武帝大同四年  
止武帝大同十年

卷一百五十九

梁紀十五 起武帝大同十一年  
止武帝中大同元年

卷一百六十

梁紀十六 武帝太清元年

卷一百六十一

梁紀十七 武帝太清二年

卷一百六十二

梁紀十八 武帝太清三年

卷一百六十三

梁紀十九 簡文帝大寶元年

卷一百六十四

梁紀二十 起簡文帝大寶二年  
止元帝承聖元年

卷一百六十五

梁紀二十一 起元帝承聖二年 止元帝承聖三年

卷一百六十六

梁紀二十二 起敬帝紹泰元年 止敬帝太平二年九月

卷一百六十七

陳紀一 起武帝永定元年十月 止武帝永定三年

卷一百六十八

陳紀二 起文帝天嘉元年 止文帝天嘉三年

卷一百六十九

陳紀三 起文帝天嘉四年 止文帝天康元年

卷一百七十

陳紀四 起寧海王光大元年 止宣帝太建三年

卷一百七十一

陳紀五

起宣帝太建四年  
止宣帝太建六年

卷一百七十二

陳紀六

起宣帝太建七年  
止宣帝太建八年

卷一百七十三

陳紀七

起宣帝太建九年  
止宣帝太建十一年

卷一百七十四

陳紀八

宣帝太建十二年

卷一百七十五

陳紀九

起宣帝太建十三年  
止長城公至德元年

卷一百七十六

陳紀十 起長城公至德元年  
止長城公顧明二年

卷一百七十七

隋紀一 起文帝開皇九年  
止文帝開皇十一年

卷一百七十八

隋紀二 起文帝開皇十二年  
止文帝開皇十九年

卷一百七十九

隋紀三 起文帝開皇二十年  
止文帝仁壽三年

卷一百八十

隋紀四 起文帝仁壽四年  
止煬帝大業三年

卷一百八十一

隋紀五 起煬帝大業四年  
止煬帝大業八年

卷一百八十二

隋紀六

起煬帝大業九年  
止煬帝大業十一年

卷一百八十三

隋紀七

起煬帝大業十二年  
止煬帝大業十三年五月

卷一百八十四

隋紀八

起煬帝大業十三年六月  
止煬帝大業十四年四月

卷一百八十五

唐紀一

起高祖武德元年五月  
止是年九月 附藩鎮始末

卷一百八十六

唐紀二

起高祖武德元年十月  
止是年十二月

卷一百八十七

唐紀三 起高祖武德二年正月  
止是年十月

卷一百八十八

唐紀四 起高祖武德二年十一月  
止高祖武德四年二月

卷一百八十九

唐紀五 起高祖武德四年三月  
止是年十二月

卷一百九十

唐紀六 起高祖武德五年  
止高祖武德七年五月

卷一百九十一

唐紀七 起高祖武德七年六月  
止高祖武德九年八月

卷一百九十二

唐紀八 起高祖武德九年九月  
止太宗貞觀二年八月

卷一百九十三

唐紀九 起太宗貞觀二年九月  
止太宗貞觀五年

卷一百九十四

唐紀十 起太宗貞觀六年  
止太宗貞觀十一年四月

卷一百九十五

唐紀十一 起太宗貞觀十一年五月  
止太宗貞觀十四年

卷一百九十六

唐紀十二 起太宗貞觀十五年  
止太宗貞觀十七年三月

卷一百九十七

唐紀十三 起太宗貞觀十七年四月  
止太宗貞觀十九年五月

卷一百九十八



唐紀十四 起太宗貞觀十九年六月  
止太宗貞觀二十二年三月

卷一百九十九

唐紀十五 起太宗貞觀二十二年四月  
止高宗永徽六年九月

卷二百

唐紀十六 起高宗永徽六年十月  
止高宗龍朔二年七月

卷二百一

唐紀十七 起高宗龍朔二年八月  
止高宗咸亨元年

卷二百二

唐紀十八 起高宗咸亨二年  
止高宗開耀元年

卷二百三

唐紀十九 起高宗永淳元年  
止中宗嗣聖三年

卷二百四

唐紀二十

起中宗嗣聖四年  
止中宗嗣聖八年

卷二百五

唐紀二十一

起中宗嗣聖九年  
止中宗嗣聖十三年

卷二百六

唐紀二十二

起中宗嗣聖十四年  
止中宗嗣聖十七年六月

卷二百七

唐紀二十三

起中宗嗣聖十七年七月  
止中宗嗣聖二十二年正月

卷二百八

唐紀二十四

起中宗神龍元年二月  
止中宗景龍元年

卷二百九

唐紀三十五

起中宗景龍二年  
止中宗景龍四年六月

卷二百十

唐紀三十六

起睿宗景雲元年七月  
止元宗開元元年

卷二百十一

唐紀三十七

起元宗開元二年  
止元宗開元五年

卷二百十二

唐紀三十八

起元宗開元六年  
止元宗開元十三年

卷二百十三

唐紀三十九

起元宗開元十四年  
止元宗開元二十一年

卷二百十四

唐紀四十

起元宗開元二十二年  
止元宗開元二十九年

卷二百十五

唐紀三十一

起元宗天寶元年  
止元宗天寶六載十一月

卷二百十六

唐紀三十二

起元宗天寶六載十二月  
止元宗天寶十二載

卷二百十七

唐紀三十三

起元宗天寶十三載  
止元宗天寶十五載四月

卷二百十八

唐紀三十四

起元宗天寶十五載五月  
止是年七月

卷二百十九

唐紀三十五

起肅宗至德元載八月  
止肅宗至德二載閏八月

卷二百二十

唐紀三十六 起肅宗至德二載九月止肅宗乾元元年

卷二百二十一

唐紀三十七 起肅宗乾元二年止肅宗上元元年

卷二百二十二

唐紀三十八 起肅宗上元二年止代宗寶應二年六月

卷二百二十三

唐紀三十九 起代宗廣德元年七月止代宗永泰元年十月

卷二百二十四

唐紀四十 起代宗永泰元年閏十月止代宗大歷八年

卷二百二十五

唐紀四十一 起代宗大歷九年止代宗大歷十四年七月

卷一百二十六

唐紀四十二 起代宗大歷十四年八月  
止德宗建中二年五月

卷一百二十七

唐紀四十三 起德宗建中二年六月  
止德宗建中三年

卷一百二十八

唐紀四十四 起德宗建中四年正月  
止是年十月

卷一百二十九

唐紀四十五 起德宗建中四年十一月  
止德宗興元元年正月

卷一百三十

唐紀四十六 起德宗興元元年二月  
止是年四月

卷一百三十一

唐紀四十七

起德宗貞元元年五月  
止德宗貞元元年七月

卷二百三十二

唐紀四十八

起德宗貞元元年八月  
止德宗貞元三年七月

卷二百三十三

唐紀四十九

起德宗貞元三年八月  
止德宗貞元七年

卷二百三十四

唐紀五十

起德宗貞元八年  
止德宗貞元十年五月

卷二百三十五

唐紀五十一

起德宗貞元十年六月  
止德宗貞元十六年

卷二百三十六

唐紀五十二

起德宗貞元十七年  
止順宗永貞元年

卷二百三十七

唐紀五十三

起憲宗元和元年  
止憲宗元和四年六月

卷二百三十八

唐紀五十四

起憲宗元和四年七月  
止憲宗元和七年九月

卷二百三十九

唐紀五十五

起憲宗元和七年十月  
止憲宗元和十一年

卷二百四十

唐紀五十六

起憲宗元和十二年  
止憲宗元和十四年正月

卷二百四十一

唐紀五十七

起憲宗元和十四年二月  
止穆宗長慶元年六月

卷二百四十二



唐紀五十八

起穆宗長慶元年七月  
止穆宗長慶二年

卷二百四十三

唐紀五十九

起穆宗長慶三年  
止文宗太和二年

卷二百四十四

唐紀六十

起文宗太和三年  
止文宗太和七年

卷二百四十五

唐紀六十一

起文宗太和八年  
止文宗開成二年

卷二百四十六

唐紀六十二

起文宗開成三年  
止武宗會昌二年

卷二百四十七

唐紀六十三

起武宗會昌三年  
止武宗會昌四年七月

卷二百四十八

唐紀六十四

起武宗會昌四年八月  
止宣宗大中三年

卷二百四十九

唐紀六十五

起宣宗大中四年  
止宣宗大中十三年

卷二百五十

唐紀六十六

起懿宗咸通元年  
止懿宗咸通八年

卷二百五十一

唐紀六十七

起懿宗咸通九年  
止懿宗咸通十年

卷二百五十二

唐紀六十八

起懿宗咸通十一年  
止僖宗乾符三年

卷二百五十三

唐紀六十九

起僖宗乾符四年  
止僖宗廣明元年十月

卷二百五十四

唐紀七十

起僖宗廣明元年十一月  
止僖宗中和二年四月

卷二百五十五

唐紀七十一

起僖宗中和二年五月  
止僖宗中和四年五月

卷二百五十六

唐紀七十二

起僖宗中和四年六月  
止僖宗光啟三年三月

卷二百五十七

唐紀七十三

起僖宗光啟三年四月  
止僖宗文德元年

卷二百五十八

唐紀七十四

起昭宗龍紀元年  
止昭宗大順二年

卷二百五十九

唐紀七十五

起昭宗景福元年  
止昭宗乾甯元年

卷二百六十

唐紀七十六

起昭宗乾甯二年  
止昭宗乾甯三年

卷二百六十一

唐紀七十七

起昭宗乾甯四年  
止昭宗光化二年

卷二百六十二

唐紀七十八

起昭宗光化三年  
止昭宗天復元年

卷二百六十三

唐紀七十九

起昭宗大復二年  
止昭宗天復三年正月

卷二百六十四

唐紀八十

起昭宗天復三年二月  
止昭宗天祐元年閏四月

卷二百六十五

唐紀八十一

起昭宗天祐元年五月  
止昭宣帝天祐三年

卷二百六十六

後列國紀一

起後梁太祖開平元年  
止後梁太祖開平二年七月

卷二百六十七

後列國紀二

起後梁太祖開平二年八月  
止後梁太祖開平五年二月

卷二百六十八

後列國紀三

起後梁太祖乾化元年三月  
止後梁太祖乾化三年

卷二百六十九

後列國紀四

起後梁太祖乾化四年  
止後梁末帝貞明三年六月

卷二百七十

後列國紀五

起後梁末帝貞明三年七月  
止後梁末帝貞明五年

卷二百七十一

後列國紀六

起後梁末帝貞明六年  
止後梁末帝龍德二年

卷二百七十二

後列國紀七

後唐莊宗同光元年

卷二百七十三

後列國紀八

起後唐莊宗同光二年  
止後唐莊宗同光三年十月

卷二百七十四

後列國紀九

起後唐莊宗同光三年十一月  
止後唐莊宗同光四年

卷二百七十五

後列國紀十

起後唐莊宗同光四年四月  
止後唐明宗天成二年六月

卷二百七十六

後列國紀十一

起後唐明宗天成二年七月  
止後唐明宗天成四年

卷二百七十七

後列國紀十二

起後唐明宗長興元年  
止後唐明宗長興二年六月

卷二百七十八

後列國紀十三

起後唐明宗長興三年七月  
止後唐明宗長興四年

卷二百七十九

後列國紀十四

起後唐閔帝應順元年  
止後唐末帝清泰二年

卷二百八十

後列國紀十五

起後唐末帝清泰三年  
止後晉高祖天福元年

卷二百八十一

後列國紀十六

起後晉高祖天福二年  
止後晉高祖天福三年

卷二百八十二

後列國紀十七

起後晉高祖天福四年  
止後晉高祖天福六年

卷二百八十三

後列國紀十八

起後晉高祖天福七年  
止後晉高祖天福八年

卷二百八十四

後列國紀十九

起後晉高祖天福九年  
止後晉出帝開運二年七月

卷二百八十五

後列國紀二十

起後晉出帝開運二年八月  
止後晉出帝開運三年

卷二百八十六



後列國紀二十一 起後漢高祖天福十二年  
止是年四月

卷二百八十七

後列國紀二十二 起後漢高祖天福十二年五月  
止後漢隱帝乾祐元年二月

卷二百八十八

後列國紀二十三 起後漢隱帝乾祐元年三月  
止後漢隱帝乾祐二年

卷二百八十九

後列國紀二十四 後漢隱帝乾祐三年

卷二百九十

後列國紀二十五 起後周太祖廣順元年  
止後周太祖廣順二年八月

卷二百九十一

後列國紀二十六 起後周太祖廣順二年九月  
止後周世宗顯德元年四月

卷二百九十二

後列國紀二十七

起後周世宗顯德元年五月止後周世宗顯德三年二月

卷二百九十三

後列國紀二十八

起後周世宗顯德三年三月止後周世宗顯德四年

卷二百九十四

後列國紀二十九

起後周世宗顯德五年止後周世宗顯德六年